

Եւ ի-իս՝ օր կիրակի տօն եկեղեցւոյ, զգուռ Տաւութ փաշային բանալ ետուն զիշերով և բերին զկաթողիկոսն, և իբրեւ մերձ եղև ի կամարն Սուրբ Գէորգայ՝ ի վերև բաղնեացն, յայնժամ Եղիազար վարդապետն ելեալ եկեղեցոյն ընդ առաջ նորա, որ և ես-չնչինս և տրուպս ամենեցուն կայի առ պապոյն իմ՝ Մղտեսիւն ի Եաղուպենցն աւթեցեալ՝ թէ զգալ նորա լուեալ ելանիցեմք ընդ առաջ։ Եւ զձայնն լուեալ մեր, որ վարդապետն ել ընդ առաջ խնկօք և մոմեղինօք, դպրօք և սարկաւազօք զգետաւորեալ¹⁾, զանկակաւ և ծնծղայիւք, քահանայիւք և անթիւ ուխտիւք։ Եւ վարդապետն առաջի երթայր յերկու ձեռսն կերօն մօմ՝ անվառ և զամբօխն հարկանէր յառաջ երթալ, զի մինեղեսցեն զկաթողիկոսն, որ կային յերկու կողմն յանցածանապարհին մինչև ի դրունս եկեղեցոյն, մի ի վերայ միոյ անկեալ դեգերեալ կային, զի համբուրեսցեն զաջ կաթողիկոսին և կամ միայն տեսցեն զնա։ Այլ սա ոչ թողոյր, երթայր յառաջ և հարկանէր կերօնաւն զամենեսեան՝ մինչ յեկեղեցին մղելով, որ և մի ոգի ոչ համբուրեսցին կամ տեսին։ Եւ ի ձայնէ շարականին և ծնծղային յայնմ սահմանացն ալլաղգիքն ի մի վայր՝ գումարեալ կային ի ճանապարհս, որ և զնոսին հաւածեաց զարնելով՝ մինչ ի դրսի բակ եկեղեցոյն, որսսի մէյտան։ Եւ մուծաք յեկեղեցին և ասացին զժամըն, և զպատարագն մեծ Ոհան վարդապետն արար։ Եւ յետ պատարագին նստել ետուր զկաթողիկոսն և լըւաց զոտս նորա և զջուր լւացմանն ըռահան ծաղկով ի վերայ ժողովրդեանն ցանէր, որք գային մի մի և զոտսն համբուրէին՝ անթիւ և անհամար ժողովուրդք եկեալ ի Զ եկեղեցւոյ քաղաքիս։ Եւ զպիրք և սարկաւազ, քահանայք և վարդապետք յաջմէ և յահեկէ-

1) սգետաւորեալ.